

12.4.5 Walau bagaimanapun, tiada apa jua dalam klausa 51.1⁷ atau mana-mana bahagian di dalam kontrak ini yang mengikat kerajaan, dalam apa jua cara yang menyebabkan Kerajaan bertanggungjawab ke atas sebarang pembayaran akibat penamatan.

12.5 Kemungkiran Am

12.5.1 Sekiranya kontraktor melakukan Kemungkiran Am Kerajaan berhak untuk menamatkan Kerja Kontraktor dibawah kontrak melalui satu notis yang dihantar kepada kontraktor. Kemungkiran Am boleh disebabkan sekiranya pada bila-bila masa sepanjang tempoh Kontrak :

- (a) kontraktor menjadi bankrap;atau
- (b) menjadi taksolven (tidak mampu membayar hutang) atau membuat penyelesaian dengan pemiutang-pemiutangnya atau membuat perkiraan dengan mereka itu; atau
- (c) menyebabkan suatu perintah penggulangan dibuat terhadapnya; atau
- (d) Mempunyai seorang penyelesai, penerima atau pengurus sementara bagi urusan atau pengusahaannya yang dilantik dengan sewajarnya, atau menyerahkan pemilikan supaya diambil oleh atau bagi pihak pemiutang-pemiutang atau pemegang-pemegang debentur bercagar dengan gadaian terapung akan apa-apa harta yang terkandung dalam gadaian terapung atau tertakluk kepada gadaian terapung itu; atau
- (e) Pelaksanaan levi ke atas sebahagian besar aset kontraktor.

12.5.2 Kesan-kesan Penamatan disebabkan Kemungkiran Am :

- (a) Klausa 51.1 (c)(i) dan 51.1(c)(ii)⁸ akan digunapakai jika penamatan Kontrak dilaksanakan di bawah klausa 51.2⁹.

⁷ P.W.D Form 203/203A (Rev. 2007) – Default of Obligation

⁸ P.W.D Form 203/203A (Rev. 2007) – Consequences of Termination